

مشاورت قلم

مطبعه و محل اداره :

جفاله اوغلنده امنيت
سندوقي جوارنده
شنگول يقوشنده
۲۵ نومبر

سلکمزموافق آثار
جدیده مع الممنونه
قبول اولنور

درج ابدله بن آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاسیات و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تاسیسی

قیرلهدن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
عالم عثمانیه ایچون	۶۵	۳۵
روسیه	۶۵	۳۰۵
سائر عالم اجنبیه	۱۷	۹

علیه تلاشری زیاده لشیوردی . بوتون کوزلر افق شرقی اوزرنده تمرکز ایتش بر آن آریلمیوردی . نهایت روز فیروز مذکورک صباخندن آز سوکرا بدر اسمان رسالت طلعت نمای ظهور اولدی .

طلع البدر علینا من ثنات الوداع
وجب الشکر علینا مادی لله داع
ایها المبعوث فینا جئت بالامر المطاع
مرحباً اهلاً وسهلاً بک یا بدر المبدور!

بونشیده استقبالی بنی نجاردن بر قاچ قیزره کذار قدسیت نثار جناب پیامبر اعظمیده دفتر چالارق ترنم ایدیورلردی .
بو قیزلر نه قدر بختیاردر دگلی ؟ دکل یالکزم دینه منوره نک ، بلکه تاقیامته قدر بوتون امتلرینک ترجمان روحی اولیورلردی .
دارالهجره لرینه شرف مواصلتلی ، اویارلاق استقبال روحی بی قرار ایدیور ، مدینه منوره سوقاقلری :

« جاء محمد ، جاء رسول الله ! »

زمزمه مزده آوریله جینلایوردی . کنج ، اختیار ، چولق چو چوق بوتون سکان دارالسلام ره کذار محمدی ده استاده موقع تعظیم اولمغه قوشیورلردی .
— مابعدی وار —

محمد فخرالدین

تراجم احوال :

حبری علی افندی

علمای اعلام و مؤلفین ذوی الاحترامدن بر ذات معارفیات اولوب کوتاهیله لیدر . انارینک الذبویوکی اولان (حقیقه الفقها) سنک ینه کندی طرفندن یازیلان شرحنده کنیه سنی بویله یازیور : (ابو محمد حبری ، علی بن مصطفی بن پیر محمد المعروف ببیل زاده) علی الاصول وطننده ا کمال تحصیلدن سوکره استکمال فیض علوم مقصدیله سیر و سیاحت ایدره ک (قیزلحصار) [۱] ده اختیار اقامتله نشر علومه مبادرت ایلدی . بوراده مادام الحیاة بووجهله امرار اوقات ایله یوب (۱۰۸۰) کسور تاریخلرنده داراخرته رحلت ایتدی . فضائل عالییه سنه دلالت ایدن اناری متنوع اولوب باشلیجه لری بروجیه آتیدر :

۱ — (حقیقه الفقها) : بر جلد کبیر اوله رق تألیف ایتدیکی بو اثرینی (۱۰۵۲) تاریخنده (تلخیص الفتاوی والشروح) اسمیله

[۱] قیزلحصار : (اغریوز) اطه سنک جنوب نهایتنده کی (قارستوس) شهریدر که اداره عثمانیه زماننده (قیزلحصار) نامیله توسیم ایدلیدی (کاتب چلبی) (مرحومک) جهان نا) اسمنده کی اثر مشهورینک خریطه سننده محرردر . صاحب ترجمه اختیار اقامت ایتدیکی (قیزلحصار) ک بو (قیزلحصار) اولدیغنی تصریح ایله یور . جغرافیون عثمانیه دن بعضیلری طرفندن (مغنیسا) نک (قیزلحصار) اسمیله توسیم اولوندینی و (عینتاب) سنجاغنده ینه بو اسمله برناحیه بولوندینی ده (جغرافیا) ایله منوغل ذواتک معلوملریدر .

بش جلد اوزرینه شرح ایله مشدر که برطاقی مناسر کتبخانه سننده موجوددر . بو اثر علم فقهدکی اختصاصیه و معلومات واسعه سنه برهان جلیدر . بو شرح مقدمه سننده کنیه سنی و (قیزلحصار) ده شرح ایتدیکی تصریح ایدیور .

۲ — شفاء الابدان المرضی فی سر منافع القرآن الشریف والاسماء الحسنی) : (قاضی ابوبکر نسائی) نک (الدر المنظم فی فضائل القرآن الکریم) اسمنده کی اثرینک شرحی اولوب نهایتنه لسان درر بار نبوتدن شرف صدر اولان ادعیه مأثوریه علاوه ایتشددر .

۳ — (هدیه الحبری فی ترجمه منهاج المحمدی) علم کلامدن باحث بر تألیف کزین اولوب بو اثرینی (۱۰۷۲) ده تحریر ایتدیکی درمیان ایدیور .

۴ — (زبدة الفکر فی زیاده سید البشر) : فخر کائنات علیه اکل التحیات اقدمن حضر قلرینک زیارتلری آدا بندن و قسماً مدینه طاهره فضائلندن باحثدر .

۵ — (عقود الدریة فی شرح فرائض الحبری) : علم فرائضه دائر تألیف ایتدکاری متن متینک شرحی اولوب بر نسخی (کوتاهی) کتبخانه سننده منظوم اولدی .

۶ — (نبذة المناسک) : مناسک محجذن باحث بر اثر نافع المباحثدر .

۷ — (منية الصالحين) : علم عقائده دائر بر تألیف لطیفدر .
۸ — (شرح حدیث اربعین) : طرز معلوم اوزره بر تألیف منیفدر .

۹ — (ذخرا لخرة) : موعظه و اخلاقدن باحثدر .
مخدوم فضائل موسرملری (اسیری محمد) افندی ده ارباب علم و عرفاندن بر ذانددر . (مجامع الجوامر) اسمنده بر اثریله (محمدیه) شرحی واردر که بو شرحک بارچهلری سلانیکده منظور عاجزانهم اولدی .

بروسه مبعوثی

محمد طاهر

ینه خبیث بر اثر حقنده

برمغفلک یدملعتکار یله صاف بر جینک صفحه سفاکتته اورولان تمغای فحشا کی بیاض کاغد اوزره رینه سیاه مرکب له قاره لانش بر کتابک خلی زماندن بری کتابچی دکاتلرنده تشهر ایدیلدیکنی کورمش ، حتی بردفعه ده براییکی صحیفه سنی چویرمک صورتیله کوزدن کچیرمشدم . بو قدر جق نتبعم ، اثرک نه متاع رنگین اولدیغنی بکا آ کلاتدینی ایچین ایکی اوچ سطرلق ایقظانامه یازوب اوراق حوادث واسطه سیله — تخدیش اذهانی موجب مقالات نشر ایدن جراندی هان سدو تعطیل ایله یین — حکومتک نظر دقتی جلب ایتیه بی دوشونمش ، سوکراده